

EQVITIS POL



7580

Prophetia S. Faldegardis Brocui J. xv.
Fol. 465.

Saluatores nominantur. ab Equite. fol. 4.

1626
Ioannis Broscii Curzelomensis
Medicini Doctoris ordinarii
Astralogi. post mortem ipsius
Bibliotheca maioris Collegii in
Academia Cracouicensi. rogat
autem ut omnia quae hic inser-
ta sunt, integre ad posteritatem
conseruentur alioquin unitatem hanc.

Destruenti anathema
Conseruanti benedictio.

intellectus
iudicat
veritatem

IX. 10. 1.

Contactus.

ad punctum

Vulgaris hic oculus caligabit diffidens plurimum.
Procul este prophanus.

inter 9 et 10 repetitur Proca Davidowa Zahorsenii Calissi impo-
sa isti loci non exprimitur, eipsum malitiam ab ipis legibus consensum
sub nomine Zahorsenii 150 conferente emulgationem. omni animi quod in 150

continentur egi auduit ex ore Frederici Sebastiani
legum. quod inveniunt et alii. Zahorsenii vero pungen-
tiorum studuit utque Bursum consuetudinem nulli modo
Contenta in hoc volumine fore potest alio, quam
ex relatione lapidum

- 1 Equitibus Poloni actio in lasinitas prima hanc deam
2 Spongia contra Equitum Ruffi offeram ad or-
3 Actio Arnaldi in Parlamento Parisiensi mantium.
- 4 Paderatui de rudibus
- 5 Ad Pauli quinti per Republica Veneta Oratio
- 6 Gracy Deliberatio de compescendo emulato coram legum
- 7 Odipus na hylus per amicum legum hanc
- 8 Responsio ad representationem legum
- 9 De Ignatio Corneo Zahorsenii Calissimorum
- 10 Obsequium per amicum legum hanc
- 11 Tanya obitui per amicum procy
- 12 Vindicta adversus Zahorsenii
- 13 Computatio comitum Zahorsenii
- 14 Eiusdem Bona hanc hylus divissimus
- 15 Gracy, Pygmalion, Consens.
- 16 Epistola eadem ad quendam
- 17 Ad funebres Regis Polonici scripta Lepore
- 18 Wido hanc hylus legum hanc hanc hanc
Destinatio hanc hanc
Consensum hanc hanc

Iam. Manana Hispania lapsa. hinc 120
 Antiqui temporibus qui ex Monachis Episcopis assumunt
 Officia exhibent numerum vix hinc, restat etiam
 vix aut alterum eorum non tam vix integrum
 quam magis antequam antequam eorum esse perfectum
 consideramus. Vix hinc vix caput.

pedagog.

19

vario

Cism. 5622 - 5640



Pedag. pol. 202 - 220.

XIX. d. 24.

215

CONFUTATIO CONVICII

A

F. Stanislaſo Zákrzewſki, Ordin:
Canon: Regul.

CONTRA ACADEMIAM CRAC.
In Comitib. Warſzawien.
I A C T A T I.

a

M. Jacobo Vitellio eiusdem Academiae Professo-
re, & Facultatis Philosophicae
DECANO.




CRACOVIAE,
In Officina Typographica Francisci Cesarij.
Anno Domini, M. DC. XXIII.

Am 5635

AD AMPLISSIMUM REIPUBLICÆ
EQVITVM ORDINE M.

*Illustres & Magnifici Domini, Domini & Patro-
ni Maximi.*

563
CVM Sanctissimi Reges Academiam Crac. excitarunt
& propagarunt, etiam à Vobis ætate consequente, or-
nandam tuendamq; voluerunt, vt quos habuimus di-
gnitatis Academicæ autores, eosdem habeamus in posteri-
tate conseruatores & Patronos. Paucos ante dies vehemens
Stanislai Zakrzevvski in nos impressio, cum famæ nostræ
gravi diminutione, nonnullam etiam Amplissimo Vestro
Ordini attulit offensionem: Nam si ille Academicos dignos
putauit, quos ad interneccionem vsq; lapidibus persequere-
tur, Conuentus Ordinum Reipub. florentissimus quid com-
meruit, vt illi de rebus grauissimis occupato tam probrosa
offerantur? Si nos petebamur, quid fuit necesse cogitatio-
nes de Repub. præclaras lapidum iactatione perturbari &
dissipari. At ex nobis mali nascentis extitit initium. profe-
cto ob alicuius, si quod fuit erratum, omnes ad panar-
raptari minime fuit conueniens. Quare dum nostri nomi-
nis, quàm maximè decet, apud Vos prudentissimos ratio-
nem habemus, humiliter rogamus, ne patiamini tanta æta-
te collectam Academicæ existimationem, maleuolentia v-
nius ad ludibrium recidere: dumq; se ex ore obrectatoris,
honestas eximit Academica, non prius Inclyti proceres,
quàm quid sit in causâ cognoscatis, iudicate.

 I quantum cuiuspiam insolens audacia
ad odium contra bonos inflamman-
dum, & inuidiam excitandam potest
tantum apud prudentes, & circumspe-
ctos rerum aestimatores valeret, nihil
esset quod quengquam, aut ipsius innocentia, aut vita,
cum honestate, & dignitate traducta, consolaretur. Ita
enim maleuolentia suam criminandi rationem commu-
nit & adornat, ut cum grauissima conuiciorum tela, in
alienam honestatem iecerit, tum illud vnum assidue me-
ditatur, ut preoccupatis, & ad credulitatem apposis
omnium animis, omnem defendendi sui rationem eri-
piat, & prauertat. Praclarum nobis suae moderationis
documentum, ac nescio an non hostilis animi argumen-
tum, paucos ante dies dedit, furens ille contumelia fun-
dibularius, quem, cum maledicentiae suae aestus, transuer-
sum abripuisset, iniquiore (quam illi fas erat) vultu, pe-
tulantiore spiritu, liberiore verborum strepitu, barba-
rici exprobratione, omnia honestatis, & professionis suae
iura, contriuit & conculcauit; ita ut uberius & proli-
xior conuiciorum seges in quengquam effusa ex omni me-
moriam deligi non possit. Eiuscemodi ille rumoribus ex-
triuiis arreptis, quos omnibus circulis falso indagasset &
collegisset, nos oppressum iri credidit, quibus non nemo

A 2 etiam

etiam innocentissimus circumueniri possit, alienâ culpâ
falsos sermones dissipante. O preposteram fortune no-
stræ conditionem, nos prius telis, quàm sententijs, prius
conuicijs quam iudicijs appetitos cecidisse! quorum de-
fensio preoccupati iudicis incitatio, silentium rei suppli-
cium, si defendo inuisus sum, si taceo damnatus.

Sed magna me spes tenet, æquitatem causæ nostræ, ob-
trectatoris licentia nobis non dissimulanter infesti affli-
ctam, amplissimorum Ordinum prudentia, erigi & re-
creari posse: quandoquidem in rebus iudicandis, per
magnam partem ad unam quàm rem suo momento
ponderandam, sapientia iudicis tenet. Illud me durior
loco constituit quod tanto interuallo, post dissipatam de
nobis acerbissimam famam, tanquam flammam restin-
guendam non subito accurrissemus. Sed primùm dolo-
ris magnitudo, & non expectati mali euentus, omnem
sensum & propè memoriam, nostri defendendi auerte-
rat, cum videremus ea omnia, quæ cuiusquam honesta-
tem & integritatem expugnare possunt, uno momento
in nos cecidisse & confluxisse. Hoc etiam ad cumulum
nostræ infelicitatis accedebat, quod cum prela non sint
nostræ facultatis, cum illis iuris nostri deplorandi, &
persequendi, tardauimus potestatem. Sed quoniam iste
Academicæ mastix, ad hoc turpe voluntatum dissidium
feralia signa videtur præcinuisse, non illud spectabo,
quid

quid ipsius verborum petulans iactatio ad respondendum, quàm quid communis nostra Et tanto tempore, tot laboribus Et officijs collecta existimatio ad defendendum requirat. Non enim fas esse ducebam, nec mihi persuadere poteram, tot suspicionibus deditos, tot probris ad satietatem usq; Et fastidium conuiciatoris coopertos reticere, ne quispiam modestiam in conscientiam verteret. Cum verò, infesta Et precipiti effruescentia, in nos, nunquam malè de homine eiusmodi meritos incurrit: hic mihi per quàm facilis defensionis campus aperiretur, si hac non tam ex veritate, quàm ex conuiciandi cupiditate profecta esse dicerem, hominem ad contumelias in unumquemq; iaciendas, à natura factum, educatum, etate procedente, Et audacia succrescente, confirmatum, qui hac tam acerba Et odiosa, nostri insectatione, voluit occupare animos eorum qui legunt, ut difficilis aditus veritati relinqueretur: non difficile, fidem, Et auctoritatem, contumelioso Menippo, inimicitiarum suspicio derogaret. Sed non ut ar hac contrita Et tralatitia amoliendi à nobis crimen ratione: Aggrediar ad illa flagitia, quæ ille nobis cum capitis uniuersam famam nostram arcesseret, contumeliosissime obiecit.

Huius autem in nos eruptionis, causam sibi iustissimam pretextit, pietatem in suam altricem, Et forma-

tricem Societatem. Hic meritissimo iure licet exclamare, quod est apud Pindarum, pretextus in densas virtutem compulit tenebras, nisi hoc pretextu mentis sue lumina obstruxisset, aliquid forsitan veritatis videre potuisset. Quocirca quæ tibi pietas, impiam causam præbuit, in nos insiliendi, ea quoque mihi iustissimam dabit, meam parentem à tuis calcibus defendendi. Sed videte virum probum, qui cum omnes pietatis calculos subduxisset, omnes gradus percurrisset, quod suæ Altrici, suæ parenti, à qua omnem didicisset modestiam, impietate, & conuicijs in nostrum honorem iactatis, litauit. Quisquam ita imprudenter, & impudenter sacrificasset? quid hoc aliud est, quàm benefacta maledictis pensari? institutionis præmia, rubore institutorum, & numerosis conuicijs refundi? Societas si nescis ea est, quæ multiplicibus illisq; amplissimis virtutibus, ita inter se consociata est & coheret, ut nihil inde, quod sit aut à cupiditate profectum, aut vehementiore aliquo animi impetu expressum, haurire potuisses. Virtutum illa est officina, non litigandi palestra: Illi tibi Magistri, quos diuturna in virtutibus præclaris mansuefecit exercitatio, continuus ad omnem submissionem perpoliuit, & durauit in bonis studijs labor, ad eam animi impotentiam præiūssent? Apud alios istam tuam disciplinam iacta, mihi nunquam persuadere poteris, te aliquando illis imbuendum

endum tradidisse, hanc enim feritatem, & licentiam, cum modestia, & animi lenitate, permutasses. Iam non tu nos, sed nos te ex fructibus istis cognoscimus. Profectò tu mihi videris, laureolam in mustaceo quesuisse, nec magis à sancta Magistra bonus discipulus, quam ex alicuius coracis nido, inauspicatâ garrulitate odiosus clamator prosiluisse, cum nihil præter os, & audaciam Societati, præstitisti.

At primum impietatis crimen, nobis inuidiosissime affingit, quod nimirum in herbescentem etatis iuuenilis viriditatem, nullam virtutum, & pietatis, consuetudinem procuremus. Magnum profectò, & ad opprimendos innocentes, appositum telum, impietatis accusari, quippe in oculis, & luce eius Reipub. quæ tanto intervallo Sanctissimorū hominum propositis exemplis, ad vitæ Sanctimoniam, & Diuinum cultum felicissime efflorescit. Verum quibus argumentis, quibus testibus, hoc ipsum planum faciet? Societatis, & Academiæ Magistrum, in Scenam producit, ut illum speciosis titulis ornet, istum omnibus probis oneret; alterum laudet, alterum collutulet; alium frugi, & continentem, alium luxuriosum, & dissolutum, falso & accusatorio animo conuincat. Videas (inquit) Academicos ad popinam, Societatis Magistros ad lucernam, vigilantes: alios lychnū, alios temetum olere; alterum præ studijs honestis, alterum præ
confe-

confectandis suis illecebris, nullam nocturnæ neq; diurnæ
quietis partem posse habere: quid hortorum ociosas in-
ambulationes, quid quæ honeste nominare pudor refor-
midat, nobis contumeliosissime obiecta referam? Quæ
inepta & illiberalis dicacitas, scio quod compluribus,
etiam extra insimulationem culpæ positis, primò risum
mouit, alijs ita stomachum fecit, ut ad stoliditatem
istam ingemiscens frontem penè ferirent.

Ain tu fidelissime morum alienorum inspector, hac
tuâ domesticâ obtrectione, nos in eo turpitudinis cano-
volutari? quibus indicijs hoc ipsum reuincis, quibus
vestigijs ad ista vitiorum nostrorum cubilia subrepisti,
cum nec ubi sit Academia, nec quibus legibus apud nos
viuatur unquam didiceris? Cum albus an ater sit quis-
quam nostrum cognoueris neminem (quanquam omnes
illoto sermone, & omni genere obscenitatis adpersisti)
An ex inanibus famæ alienæ inuidentiũ rumusculis, hoc
ipsum arripuisti? vehementer letor, quòd in nobis ni-
hil eiusmodi reperire potueris, quod non ad communem,
& usurpatam, conuiciatorum licentiam, crimina etiam
in innocentes iacentem, referatur. Si te ad istam con-
tinentiam natura non instituit, aliunde nihilominus
poteras didicisse, magno intervallo, maledictionem, &
accusationem, utrinq; abesse, accusatio testem, criminis
explicationem, argumenti confirmationem requirit,
male-

maledictio, nihil habet propositum, præter cõtumeliam, quàm non magis in nos, quàm verò in tuam famam, distrinxisti, & primum maledicẽdo, ad hominum cognitionem, quàm benefaciendo, nomen tuum produxisti; oportebat autem, ut quantum à rerum turpitudine, (si ita est) abes, ita te à verborum libertate seiungeres, nisi eam tue existimationi maculam velles esse inustam.

Nos omni genere vitiorum disfluere? ex quibus unum quemq; primum suus pudor, non ita ut tu putas profligatus sepsit, deinde leges à Sanctissimis Fundatoribus, ad normam viuendi dant, & publicè, & priuatim, intra cancellos honestatis definierunt. Quid ipsa temporis, nobis ad officia nostra euolantis angustia, quæ vix à laboribus nostris, respirandi spatium concedit, tantum abest ut à negotio, ad otium, à ratione, ad suas cupiditates persequendas, cuiquam locum relinquat. Quid paulo durior vite Academicæ fortuna, quam non opulentia, sed animi æquitas, & tollerantia circumscripsit, hæc ad luxum cuiquam prætulit facem? multi otij, insolentis fortune, animi sua opinione tumefacti, extrema comes luxuria. Non succurrit tibi in mentem, si inferiores laceßere volebas, esse in cætu Academico, complures sacerdotes, Excelsi filios, qui Dei Optimi, ac Maximi, expressiorem quandam induerunt effigiem, quæ illos à communi cætu, quasi nota distingueret ac sepa-

raret : manus illas que pro nobis ad celum quotidie tenduntur , que tot annos pro fortuna , pro incolumitate Reipub. occupantur , tuis noxis contaminari ? Iam illud verum est , ut quisq. optimus est , ita difficile alios improbos suspicatur ; non nos queso ex tua fingas consuetudine . Si igitur tibi pudoris communis , si legum , si occupationum nostrarum , si Magistre officij paupertatis , si deniq. Sanctissimi Sacerdotij veniret in mentem , nunquam te ad eam maledicentiam instruxisses , ut religiosus irreligiosa audacia , in nostrā grassareris innocētiam .

Sed attende tantisper dum aperio , quā pugnantia tecum loquaris , ut non tanta mihi , quanta tibi sit tecum , discordia . Cēlestium inanes Academicos omnibus lacertis contendis , iisdem Canonicatus , & Parochias , exprobras . Quid tibi venit in mentem , ut eosdem , & laudares , & lederes , nunc pro Ecclesia sollicitos , nunc supinos , & oscitantes in religione diceres ? Non diuitiarum , sed virtutum , illa sunt instrumenta ; non otij , sed negotij , multū pro bono Ecclesie sudantis ; ita enim Academia studia sua ordinauit , ut ne festis quidem diebus , quibus alij ad suas ferias abeunt , nobis concederet esse feriatis . Alia est , inquis , Scholę , alia Parochię ratio . Ego ita semper existimaui , omnes Scholarum fructus ad Ecclesie utilitatem corriuari , inter quę cum tu diuortium facias , sine scholā Ecclesia , te seque-
stro,

stro, res suas non habebit. Habet, inquit, Canonicatus
(tuo utar verbo) sua negotia. Quod si tu paulò un-
ctiorem fuisses nactus, dic mihi quid negotij ageres?
Exiguos illos scias census, & stipendia magno & diutur-
no sudore comparata, unde magnam partem alimento-
rum suorū paupertatis nutricula Philosophia corrogat.

Ignorantiam, graue & nobis pudendum maledictum,
obiicit. Nam profiteri velle id, cuius nè minimam par-
tem attingas, hominis est, intemperanter abutentis, &
otio, & literis. At quis tibi tam acerbam, in nos sug-
gessit criminationem, cum nunquam Academica limi-
na, nè à longè aspexisses? nunquam te imbuendum no-
stris preceptoribus tradidisses. Tum longo ordine doctis-
simos quosq; ex Societate recenset, ut eorum numerosa
acie explicata nostram percellat paucitatem. Facile pa-
tior complures fuisse ex ea familia, qui bibliothecarum,
forulos, doctissimis suis complessent scriptis, & bar-
bariem, quasi herbam irriguam subolescentem, satis fa-
liciter perpurgarint. Belarminum, Ecclesie Bono ex
Societate productum, quis usq; satis depredicet? qui suis
vigilijs ita Ecclesie profuit, ut facile dignitas eius sine lu-
mine alienae predicationis, in omnium oculos incurrat.
Admirabilis illa (ut reliquos taceam) Suaresij & Va-
lentie in explicandis difficillimis quibusq; nodis, felicitas
cuius non rapiat sensum & cogitationem? Quid referam

alios, quos recensuisti, scientiarum cognitione, linguarum interpretatione valde quam celebres. Sed nunquid aliena virtus, quae se extulit clarissime, ceterorum unquam praestrinxit splendorem? An quia sol, cum universum orbem radijs longe lateq; diffusis, collustravit, ceteris luminibus, proferendorum fructuum, in his quaecunq; Lunae complexu coercentur partibus, eripuit potestatem? Quod si tu mentem tuam in admirationem ita nota & celebris doctrina inflexisses, mihi crede, non haec tonitrua, ex illis omnis doctrinae & virtutum nartheciis collegisses, neq; tibi unquam persuaderes, ut quos lapidibus opprimere non posses, eos sententijs iudicumdederes. Aut si tu forte homo omni scientiarum suppellectile abundantissimus, hominem praete putas neminem; tamen, si unam cerebri atomum habuisses, nunquam te ad eum errorem precipitasses, ut tua opinione plus nimis inturgescens, per alienam contumeliam, ad nominis celebritatem, ex tua prudentia querendam, aspirares. Nam cum omnis arrogantia odiosa est, tum illa ingenij non ferenda. Nunc vero pro tuo isto ex sapientia collecto supercilio, omnibus pueris, magis quam ille in officina Apellis te videndum proposuisti, quod de ijs loquaris rebus quas non didicisti.

Quo tu nobis argumento, qua fide, qua fronte, notam barbarici appingis? quod nullos libros quasi illu-

*Stria doctrinae Academica monumenta ad posteritatem
prodideritis. Quàm leue,quàm infirmum,quàm nuga-
torium testimonium. Socratem ipsum Apollinis iudi-
cio, in sapientia principem nominatum, tam graui au-
toritate iugulasses, qui cum omnes scientias facilè pro-
pè diuino ingenio comprehendisset, & celo Philosophiam
delibatam, terris communicasset, nihil tamen eiusmodi
fecit, quo posthumâ memoriâ, doctrinae suae nundinatio-
nem quaereret. obstetricis vice se defunctum dicebat, quae
parturientibus adest ipsa parere non potest. Falleris
profectò si credis ut quisq; scribit, ita continuò eius com-
mentatio aut theatri significatione, aut concionali ap-
plausu excipiatur, tenet insanabile multos dicendi scri-
bendiq; cacoëthes: nisi forte haec tuae in nos tam barbara
voluntatis expressa testificatio Iouis auribus sit digna.
Sed ut intelligas, quàm non vana & ociosa, verùm ce-
lebris, & bonarum artium secunda, fuerit Academia,
nostra, palam est omnibus complures ex nostris, quae in
diuina scientia, quae in Philosophia, in Matheſi, Elo-
quentia excellentes, nomen Academicum ad gloriam,
& celebritatem Imperij istius, etiam apud exteros pro-
tulisse. Nulla etas extinguet ex animis hominum, ad-
mirabilem in dicendo ubertatem, duorum Theolog. Leo-
polit. ad B. Virg. in circulo Crac. Oratorum, quorum
ea fuit flexanima eloquentia, ut confertissimam populi*

frequentiam; quo vellet emolliendo inflecteret; eorum alter, quod nemo ante illum, primus Biblia Sacra vernaculo & natio sermone, ad popularem protulit intellectiōnem. Cui operi explicatius consumando, tametsi vulgati interpretis multum opis attulit sudata industria, tamen ad plurima, ex abditissimis inuolucris in lucem proferenda mysteria, Hebraice scientiæ lumen fuit, preferendum. Quid Ioanne Cleparz, apud Sereniſſ: Sigismundum Augustum doctum & pium Concionatorem referam? ceterosq; complures, qui vocem suam & doctrinam, populo publicè ad fidem & pietatem instituendo præstiterunt? At eorum (inquies) memoriam, eadem mors quæ vocem extinxit, consecuta: nihil ex diuite ingenij sui fertilitate, in publicum protulerunt. Distracta scias inter se sunt, scribentis, & docentis officia, scriptor, profundo ocio, animo ita ad rem suam attento, ut à ceteris se quàm maxime secernat, opus habet, docentem autem, quæ non agmina molestiarum circumsepiunt? Tametsi plures modo transcriptores sunt, quam scriptores, plures personam, quàm faciem malunt, nihilominus eandem Thesei nauem dicas, quæ in locum antiquarum, aliis coaptatis constat commissuris.

Nostrorum Mathematicorum in rebus grauissimis & difficillimis consilia ab exteris etiam petebantur. Bellica gloria clarissimus Matthias Hūniades Rex Hūnigariæ, Ma-

rie, Mathematica scientie valde quàm appetens Crac.
Mathemat. accersebat, qui postmodum visendo opere
instrumenta Mathematica Regie liberalitatis, & sci-
entie monumenta in Bibliothecam nostram intulerunt.
Ne antiquitatis annosam explicem memoriam, hoc se-
culo, celebris inter alios in Matthesi Copernicus, ex A-
cademia Crac. ut honores Academicos, ita & scienti-
am suam prompsit, quam in cognitionem omnium de-
prompsit. Non minus celebres fuerunt in Matthesi Va-
lentin: Fontanus, Gabriel Ioannicius, qui propter exi-
miam scientie illius prestantiam, incredibile desiderium,
eruditorum animis reliquerunt. Illustre nomen ab elo-
quentia commeruit Iacobus Gorski, qui Rethorica, &
Dialectica præcepta, ita Ciceronis distinxit locis, ut ni-
hil sit in Cicerone, quod non inuestigasset, & in locos su-
os ad usum posteritatis transtulisset. Societas ipsa, an
non magnam partem per hos in Polonia inclaruit, quos
ab Academia habuit, (cui iniuriam facis quod non o-
mnes enumeras.) Sed perfectionem istis attulit Societas?
& Academie non fuisset operosum eos perficere, quos in-
dustria sua in dies perficiebat, & acre limabat iudicium:
tamen si verò ut tu putas non perfecisset, quos aliò alia,
pertraxit cogitatio, nihilominus, Fontem unde hausseris
corona. Alius fuit in Societatem, & Academiam Pe-
trus Skarga. Societati attulit ornamentum (non ut

tu conuicium) Academiæ præclaro suo scripto erexit
gratitudinis monumentum. Disertissime Nestor Sar-
maticæ, vixisses, quem sua non continet in officio mode-
stia, authoritatis tuæ reuerentia castigaret, pro tua illa
nobis expressa gloria, impressa contumelia. Sed neq̃ nunc
tametsi in plurimas partes deducti, exaruerunt fontes
nostri, habentur doctissimi Theologi (quanquam non fa-
cile credis) prudentissimi Iureconsulti, accuratissimi in
suâ arte Medici, acres in disputando Philosophi, neq̃ illâ
quæ ex leuioribus studijs percipitur amenitatem, in fe-
racissimis Academicorû ingenijs quisquâ desiderauerit.

At hîc mihi ridiculè nugari visus est, dùm autorita-
tem iudiciorum, ex inspectione stellarum, à Mathema-
ticis perquisitorum, conuitio à forensi turba petito, ele-
uaret. Apud eos nimirum, fluxam fidem, ob tempesta-
tum, & aeris constitutionem, oppidò quàm incertam,
& instabilem. Optabam profectò ut tuâ ignorance
ad tuendam Mathematicæ dignitatem abuterer: sed
quia diligentia inimici inuestigatum est quod latebat,
confitendum est ut opinor, ita tamen, ut non sit apud
te, vexata, & contrita, Mathematica perfugium que-
rendum Mathematicis tu imposturam? quid ita, quia
aliter res eueniunt, quàm illi prænunciant; quis iam ti-
bi verbum unum credet, cum etiam aliter sit, quàm tu
de nobis omnibus theatris prædixisti. Illos quidem cau-
sarum

sarum diuersarum coagmētati influxus, loci remotioris
distantia, te verò quid ab insania vindicet nō habemus.
Itaq; si Mathematici ita veritatis proditores, ut tu e-
iusdem vindex, & assertor, neutrum coherebit, cum
nec eorum, ita ut tu putas sit instabilis, nec tua stet re-
cto talo veritas.

Neg; vero existima quod nos apud prudentes cause
istius cognitores luculente calefeceris, cum raritatem no-
stratum Philosophorum, Oratorum, Poetarum, & isti-
usmodi aliorum, nobis tanquam probum, obieceris.
Non diffitemur, multitudinem talium, in quadrage-
nario numero, reperiri non facile posse, addo etiam nec
debere, ob varietatem quibus adstringimur Professio-
num, imò gratiam debeo, quod non omnes proscripseris,
quanquam non asterisco, sed stylo ad sensum & memo-
riam acerbo, compunxeris. Sed an tu credis Philosophi-
am prostare in publico, cuius se offerentem? an ita cen-
ses reperiri Philosophum quod pueri in fabis? Cum &
illi veteres Philosophi, qui se sententia suā appellarunt
sapientes, indulserunt sibi, quā par erat vebementius,
nisi inuidiam nominis imminuisset Pitagoras, qui ni-
hil sublatius de se locutus est, cum se studiosum sapientie
appellasset, cupiditatem duntaxat adipiscende sapien-
tie, quam unicuiq; natura inseuisset acriorem in se esse
ostendit. Non est Philosophia arrogantie & elatioris
animi

animi Magistra, sed commotionum humanarum moderatrix, unde si & tu vel leuiter hausisses, non ita nobis frigidam affuïsses: quanquam Litem ab Empedocle arripuisti, quâ omnia diuina & humana permisceres & confunderes. Gratulamur i in seculo nostro, ad tantam fecunditatem, & multipliciter Oratorum, gloriosissimè se se efferenti, hoc nostrum, propter te, fertile, & secundum est, quo non nisi ad busta eloquentia, scelere parricide Antonij exanimata, cineres sparsos colligimus; illud mutum & infecundum fuit, cum ipsa animata Eloquentia, illa orandi norma, illa Musa Latina, è Rostris populo Romano concionaretur, & seipsam in sinu suo, in diuite rerum & verborum suppellectile, quæreretur, neq; sensu pulcherrimam, & absolutam sui imaginem cognouisset, nisi Idea comprehendisset. Retexe Marce Tulli, tuam de perfecto Oratore tractationem, tam eras hebes, tam à sensu alienus, qui nascentis post te seculi, ubertatem, aut non videres, aut inuideres. Habes alium Brutum cuius gratia nouam, vetere in spongiâ incumbente, cōmentationem ordiaris. Quamobrem, non cruentat nos, ista loco probri nobis habitata, talium raritas, dummodo eam res, quæ in sermone de raritate est consequatur.

Illud porrò quàm plenissimum loquacitatis, inanissimum prudentie est, quod nos Harseos; nullo indicio, nè te-

nè tenuissimâ quidem tanti facinoris suspitione; accersat; cum tamen nostre cum sacrosancta Ecclesia Romana unionis, exploratam atq̃ explicatam habent rationem omnes, quicunq̃ etiam hospites in Academia versantur. Nam si voluerimus spatium preteriti temporis respicere, & memoriam recordari ultimam, inde usq̃ repetentes inueniemus, Academiam Crac. cum primis fundamentis, se quasi murum, Pragensi Husitanæ contagioni, opposuisse. Quæ, cum Vniuersam Bohemiam, inualecente Heresis peste inuoluisset, etiam Poloniam spectabat, nisi Academia Crac. renascentem illam Hydram, fregisset, & contudisset. Hinc mos obtinuit, in primo in Academiam aditu, sub nomine Hussi, omnes Hereses, quas cuiq̃ priuati conflauit opinio cerebri, ciurandi, & execrandi, sub cuius signis, non licet aliter nisi quisq̃ se tali obstringat Sacramento, stipendia mereri. Quid cum publicæ actiones, vel Academicorum honorum sortitiones, cōquisitissimo cultu, frequentissimo illustrium virorum conuentu habentur, non talia, palam, media luce, in oculis, quorumuis nobilissimorum fieri, & quopiam cognouisti! nimirum solennem iurisiurandi pro Romana Ecclesia verbis conceptis emissionem? Sentisne aliquando hæc tua pronunciata, Stoicorum pronūciatis absurdiora? Mihi crede, si vel tenuissimam suspicionem, ab Ecclesia discessionis, Academia de se præbuisset,

C 2

buisset,

buiſſet, ſi eam maculam, vel, cogitatione duntaxat in ſe ſuſcepiſſet, dubio procul, nunquam prædem illum perpetuum ſue incorruptæ in Deum religionis B. Cantium habere meruiſſet. Qui cum ad Diuorum ſanctimoni- am, compoſitè ex hominibus abiſſet, nunc mortalitate ſua exutus, clariffimè videt, quæ olim quaſi poſt ſipari- um ab imbecillitate humana obductum per fidem in ſci- entiâ Theologicâ, de Deo loquebatur. Tantum lumen ex latebris Hæreticis erupiſſet? aut perfidiam ſuam Di- uis celitibus cõſociäſſet? qui quãtus ſit, docent hoc ipſum tabella, ſupplicantium votis expreſſæ, & ſacro eius cine- ri circumfuſæ. Reſpiſce aliquando, & tecum ipſe circum- ſpice, quàm impiè, quàm iniurioſè, nos ab honeſtate, re- ligione, ſanctiſſimo Eccleſiæ cetu, ab ipſo deniq, Deo, ma- ledictis tuis ſecernas.

Quod autem aliquis noſtrorum, à te in iudicium, corruptæ Vngarorum religionis vocatur, nimium fe- rox es naturâ, & crudelis, nullis hominũ peccatis, igno- ſci putas oportere, etiam mutis cineribus nos cõdemnan- dos arbitraris. An verò ita ſe res habeat, vetuſtatem annalium in argumento leui non retexam, tantum ha- bet apud me iſta tua ſuſpicio firmamenti, vt maiora nõ requiram. Tu ad inuidiam nobis conſciſcendam, tanto tempore, ex memoria veteri, cum nihil aliud habeas, re- um ſuam à Deo imprudentem auerſionem, grauiter expian-

expiantem reduces? Ne tu odiosus accusator, etiam
Principem Apostolorum celo proscriberes, quod sua illum
infirmetas à Magistro suo, valde quàm inconsulte auer-
terat: Etiam sanctissimis fidei nostræ Doctoribus, no-
tā infamiae, ex unius defectione appingeres. Explica ve-
terem Annalium memoriam, quæ tam sancta, tam Deo
cara fuit Congregatio, ut viam istam mundanæ conta-
gionis, sine casu aliquo, aut prolapsione insisteret & in-
gredèretur? Quæ tam concinna, tam elegans in corpo-
re Ecclesiae pars, in qua non aliquis neuus appareret? Tu
hæc videns, non misertus humanam fragilitatem, conti-
nuò flammam & ferrum ad strumam illius sancti cætus
exsecandam clamares? Non hominis nec ad homines
ista vox est, sed ferrea, nec in religioso animo perferenda.

Neque potest hæc ipsius profusa ad contumeliam li-
centia, uno genere criminandi conquiescere, omnes mor-
daci Archilochi aculeos corrasit, quibus nos conficeret,
cum Plebeios, & Nobilitatis hostes Tragicâ voce perso-
naret; hic quid ille dixerit nondum attendo, quid cogita-
rit intelligo. Sperabat sibi posse aliquam auram afflari
voluntatis, assensionisq; eorum, ad quos diceret, spera-
bat se apud nobilitatem ceruiculam suam iactaturum:
quasi verò id defendendæ Nobilitatis, non verò alienæ
tenuitatis exprobrandæ gratia, tam petulans, & audax,
fuisset. Hic ego quid primum querar? nunquid Dei

omnia perluſtrātis auxilium, an nobiliſſimorum & prudentiſſimorum virorum autoritatem, implorem? Quid aggrediar, inter optimā conſcientiam, & iniquiſſimam contumeliam deſtitutus? Defendam tam frigidam & illiberalem dicacitatem? Cuiquam fraudi & noxæ fuit ſplendorem generis, quod ſorte nobis à primo naſcendi exordio datur, non accepiſſe? Reſpice Marium cui non obfuit quicquam ad virtutem & gloriam Reipub. præſtandam, fuiſſe Arpinatem. ſed togam ſago non comparo. Poſſem plurimos alios recensere, quorum natalium obſcuritas luminibus altiſſimæ gloriæ non offecit. Sed quid tu me ad iſta vetera, (inquies) quæ iam ex ipſis chartis exoleuerunt, reuocas? Diſce iam, ſi hoc primum ad diſcendi tempus naſtus es; Alios per generis antiquitatem, & præclariſſima ſuorum maiorum facta, ad ſuam nobilitatem, & lucem Reipub. proceſſiſſe. Alios ſanguine hoſtili madentes, præclariſſima virtutum ſuarum trophæa in animis hominum ad poſteritatem propaganda ſuſtuliſſe: Alios tametſi non extuliſſent imagines hereditariæ, per literas viam ſibi ad illuſtrem & immortalem gloriā patefecit; quorū domus, cum virtute & honore floreret, propilæa ſignis & imaginibus pictis erāt vacua.

Sed quid tu mihi nobilitatem in religione oſtentas? ubi non Emblematum multitudinem, ſed caritatis in Deum magnitudine certatur. Redeat tibi in mentem illud

illud tempus cum dixisses. Voluntati, generi, fortune, caterisq; alijs mundi delinimentis, viuens, & videns, libellū repudiij do. Sed hæc antiquiora, si fortè ex memoriâ effluxerunt, recentioris meminisse scripti tui potes, in quo dixisti, non esse possibile, ut quisquam uno intuitu, celum & terram tanto spatio inter se diffita comprehenderit. Quid tu aliud facis, cum in utrumq; simul cogitationis tue oculos defixisti? Hoc est habitu non affectum, locum non votum permutare, quando te non compones? quo usq; ipse tecum litigabis?

Sed quis tandem index tibi, plebeia in nobilitatem coniurationis fuit? ubi signa contra nobilitatem erecta? quando ad arma à plebeijs conclamatum? Vereor ne ex antiquitate criminandi plebem rationes conquiras, non metus, nemo te autore in Auentinum secedet, neq; nobilissimi Equites, per tuam istam vaniloquentiam tibi signum ullum alienæ à nobis voluntatis dabunt, non disflabit eorum in nos flabellum tue seditionis propensionem. Nihil reliqui habebas quod ad calumniandi consuetam rationem addidisses, nisi etiam parricidarum nomine apud Ordines traduxisses.

Jureconsulti, tam enormiter à te lacerati, advocato in suâ causâ opus non habent, qui, si attulerint prudentiæ, & consilij sui neruos, ita te constringent, ut commouere te non possis. Vereor nè ad capsam tuam, quam forensi-

forensibus causidicis circumferebas, recurrendum tibi sit,
an aliquid quod eiusmodi negotio subseruiat, aliquan-
do annotaris: quanquam duas habes, alteram in qua la-
pides, alteram in quam tue maledicentie leges compege-
ris: Sed nimirum non vidisti mantice quod in tergo est.
Habetis egregium Iurisprudentem, qui quod non nemo,
nisi continuo labore, nisi solertissima, & ad stuporem
maxima comprehenderit memoria, ille solus non Vlpia-
ni, non Bartoli, aut Iasonis, sed alicuius (ut ipse fatetur)
ex media plebe, circulatoris causidici vestigia legens, hoc
suum pingue Ius concoxerit, & in pera ex humeris ap-
penderit. Non didicisti aliud esse cautum Iurisperitum,
aliud inconsultum I eguleium, illud prudentia, hoc au-
tem impudentia comparatur, ab illo iudicium acre, ab
istlo non nisi os ferreum postulat. At ne frustra ope-
ram suam in iure ediscendo collocare videatur, licet con-
sulere, audiamus quid iste Iuris Patricij prudens cautor
in grauissimo & flore ntissimo Equitum concilio produ-
cat. Schola noua opus esse propter emulationem. Ita
immitis es ut etiam in schola inimicitias exerceas, &
nouam non Enthimematicè sed athleticè disputandi in-
ducas rationem. Non bene vertat (inquit Socrates) quis-
quis Musas & Gratias dissociasti, quietem satius ad tra-
ctandas bonas artes, non emulationū dissidiū meditare.
At, emulationem istam, sedatā animorum tranquill-
tate,

tate, solere fieri dices? neq̃ tu hariolus es, neq̃ ego scio
diuinare. Emulationum si ita morosus exactor es, di-
cam, cum Diui Francisci, & S. Dominici alijsq̃ religio-
sis confectatoribus satis habemus, ubi hoc solum agitur,
ut quisq̃ Syllogismo alterius rationem ad assensum tan-
quam clauo affigat, non verò ut tu barbaro conuitio
innocentiam configat.

Hic subito ex consiliario patronus, & mensarum
nostrarum instructor factus, à consiliarij officio graui-
simo, ad patroni clementem indulgentiam, desultorià le-
uitate transcurrit. Bursam Pauperum, vinctius, & lau-
tius, haberi vult, penitet namq̃ illum bonas horas malè
collocasse, iam ad Philosophorum regulas quicquid supe-
rest etatis, vult in Contubernio traducere. Optime si
ita deliberatum est consulisti, honorem, quem tanto
viro, haberi fas est, & gradum habebis, pro tua Lectu-
ra, preposituram, omnium suffragijs, & fauentium
studijs nancisceris, quod melius erit, quod ad stomachum
tuum magis faciat, tibi soli deliges, ut quem modestia
nostra mansuefacere non potuit, humanitas aliquando
emolliat. Deum bonum, quam preclara se nobis, nihil
eiusmodi suspicantibus, occasio de tanto viro, bene me-
rendi porrexit. Sed iam versuram fecit, mutauit ani-
mum, se non magis Diogenem prandentem vile olus,
quam Aristippū genialiter victitantē velle esse protesta-
tur. Iam

tur. Iam tu tibi saginam non disciplinam proponis, magis ut palatum, quàm cor sapiat contendis, maiorem in carnibus secandis, quàm argumentationibus soluendis operam collocas. Missum fac nos, tui sensus, cum nostris non congruent rationibus. Pecuniam si quam habet, Contubernium, eam visibus suis moderatis, non profusus tuis voluptatibus accommodat. Boni patres familie uiuendi rationem, ad suas facultates, non ad cuiusquam libidinem metiuntur. Edendum est ut uiuas, non uiuendum ut edas. Sed cum tibi eum scrupulum, qui te dies noctesq; conficit, ex animo euello, attende. Non ita tauctum scias esse Contubernium, ut tibi luculentè caminus ille luceat. Pecuniam sanctissimæ Anne Iagielonice Regine liberalitate & aliorum benefactorum collectam, fundis, & aratorum bonis collocauit: quas colonias, & arationes, si aliqua calamitate, aut militis, aut eluisionis erumpentis, mulctari contigerit, nostram quoq; communem fortunam, eadem tempestas corripiat est necesse. Addo, paucis abhinc annis illud Contubernium, fuit propter parietes suâ sponte reuulsos, & subsidentes, è fundamentis excitandum. Cui reficiendo, tametsi non defuerunt, liberalissimâ prouisione, primum, Illustriss: ac Reuerendis: D. Petrus Tylicki, commemorabili semper in nos pietate, deinde Illustriss: & Magnif: D. Thomas Zamoycki Palatinus Kiouien: tamen, magnam

magnam partem, ararium Contubernij, ad eam rem,
sui exinanitione contulit: ita quod fuit annone studiosis
alendis coemenda comparatum, lapides, cementum, o-
pere conductæ, confecerunt, ut egrè admodum post ali-
quot annas tanta temporum, & rei nummarie difficul-
tate sarciri possit, quod vnus hauserit. Prouisoresqu-
bus cura Contubernij fortunarum incumbit, quot annis
Vniuersitatis expensi proferunt tabulas, & tantum a-
best, ut aliquid sui compendij causâ ex alienâ tenuitate
abradant, ut etiam frequentius, de demenso suo, sibi au-
feri non prius intelligant, quam iacturam suam senti-
ant. Habes itaq; bone, Contubernalis victus, Modipe-
rator fortune Contubernalis expositam rationem, &
si voles Contubernio uti, ferenda non obtrectanda erit
sortis communis necessitas, sin aliter, caue, ea curiose, &
malitiose, in suspicionem adducas, quæ è tuâ re non
sunt, nisi forte domi tuæ quod agas non habeas, propte-
rea alienû perfodiens parietem, omnes excutis angulos.

Illud te benè multum pupugit, ut necessum habe-
as cum omnibus in hoc maledicentiae tuæ campo dimica-
re: sed vereor vnum etiam ex nobis minimis sustineas,
qui si attulerint industriam excutient tibi istam non be-
ne sanam verborum iactationem. Libertatem Acade-
micam cum Regni libertate consociatam, aliquis no-
strum appellarit? Quid tum? quasi necesse sit, in vno

verbo fortunas Imperij disceptare: hic tuos arietes, qua-
si munitissima arx sit deiicienda, aut bene compactus
murus quatiendus admoues: si libertatis Polone vos
propagatores verum esset, hoc ipsum foret, vel quia No-
biles sitis, vel quia de libertate commentarios emulga-
stis, vel quia ad Serenissimi Principis Curiam, aliquot
Doctores nostræ libertatis defensores procurastis. Chry-
sippea hæc sunt profectò; habemus subtilem Carneadem,
cuius acumini, si unum verbum respondeas, non habeat
quod ultra promoueat. Non me pudet (ut te) mei ge-
neris & paupertatis: libros nullos de libertate fecimus,
quippe in ea Repub. quæ non codicū multitudinem, quàm
legum firmitate defenditur, in Curia nullum habemus,
quia unumquemq; lex & consuetudo nostra, ita ad Ca-
thedram adstrinxit, ut ne latum quidem unguem, istinc
absq; loci amissione liceat abesse. Illud etiam accipe quia
vitam speculatiuam ita suspeximus, ut ad negotiosam
Actiuam minus simus idonei, cum aliud sit plectrum,
aliud sceptrum, alia solis, alia lychni, alia solij, alia selle,
scholæ deniq; alia, alia Curie ratio, desiderari malumus
quam exturbari: præstat nobis itinera Gymnasij no-
stri, quàm fori & Curie nota esse, ut iam mihi videatur
facilius Parochia cum scholâ quod tu negas, quàm Au-
la quod affirmas coherere. Quapropter ubi tu me à ne-
gotio meo, nullo iure, consertum manu vocas, inde ego
te, ad

te, ad tuum, optimo, reuoco. Sed ne felicitatem Aca-
demicam tuâ causâ extenuem: fuerunt Theologi Aca-
demici, apud sanctissimæ recordationis Reges Poloniæ,
Benedictus à Cosmin apud Sereniss: Sigismundum Pri-
mum, Ioannes Cleparz, Martinus Clodauita Viri in-
dicendo florentissimi disertī Ecclesiastæ apud Sereniss:
Sigismundum Augustum; apud fortissimum Batho-
reum Wielogorski, quem bellicosissimus Rex, velut al-
terum Nestorem magnus Achilles, etiam inter tumult-
us Moschouiticos, inter tubarum clangores, quasi cele-
stem tubam secum habuit, in qua cura, & frequenti of-
ficij sui strenuè obeundi meditatione, in Moschonia ex-
cessit è vita. Quid commemorem Stanislaum Soko-
lowski, virum multiplici scientiæ laude florentissimum,
cuius suauitatem sermonis, cum veritate coniunctam,
Curia venerata est & admirata, quem posthumâ me-
moriâ, nunquam posteritati doctissima scripta eripient.
Nos verò quid ad libertatem conferimus? si me inter-
rogas, institutionem soli Nobilitati couenientem, ut
Deo, Principi, Patriæ suæ, tantâ se veneratione, fide, &
caritate deuinciat, ut eorum gloriam, Maiestatem, in-
tegritatem, etiam vitâ suâ ducat potiozem; ut ne quid-
quam ex cupiditatibus suis, sed ex rectâ ratione omnia
moderetur, ut non prius quo freno equus, quam quo af-
fectus sui coerceantur sciat, ne in scena artificiosam si-

mulationem magis, quàm in Repub. apertam condiscat veritatem.

Habemus porrò istius nostræ informationis, preclarissima & ingenuorum cognitione maximè digna, in Politicis, Ethicis monumentis fundamenta, inde quisq; officij sui, generis, & conditionis colligit, quibus postea, in consequente uiuat etate cum adiumentis ornamenta. Et quia prudentia, iustitia, temperantia, ceterisq; consimilibus virtutibus, libertas florentissimi huius Imperij quæ tam diu stetit, nunc felicissimè gubernatur, ubi conticuerit Academica vox, talia in teneram nobilitatis etatem instillans, quæ gloriosos & felices ciues, matura etate possent efficere, quid ab re fuit, ut tumultu areris, libertatem communem, accisis istis à quibus incrementa sumit presidij, propemodum elumbari?

Hinc perspicuum est, quàm non sit ulla causa, ut nos nullius ordinis in docendo accusares, Grammaticis ita nostra Iuuentus informatur, ne illis Priscianus ad maiora præripiat occasionem consequenda. Quid enim ad Nobilem, Reipub. commodis natam iuuentutem, quot remiges Vlysses habuerit, quid Syrenes illi præternauiganti cecinerint, quot annorum Priamus fuerit cum Troiam in suos cineres videret subsidentem, hoc nihil aliud esset, quàm per fabulosum aliquem Oceanum, longis erroribus sine portu iactari. Quamobrem nobis

nobis alia proposita idq̃ compendiosior ratio, scimus enim Nobilem iuventutem aureum Regni istius partem, etatis sue partem, bonis literis, Militie, Aulae postea dedicare, non nostra causa, sed illorum est, qui se aliquid, quàm verò nihil malunt doceri. Itaque quantum cuiq̃ per ingenium & industriam conceditur, instituuntur Rhetoricis, Dialecticis, non spinosis, sed simplicioribus & explicatis, præceptis: hinc illis ita informatis, patentior, & iucundior, ad Moralem, quæ sola scientia Nobilium est recluditur accessus. Iucunda erit, viro Nobili, procedente etate recordatio, sibi hæc præcepta aliquando proposita fuisse, quorum magnam utilitatem nunc secum recognoscat. Minora tamen (quæ in grauioribus perficiuntur) non ita relinquimus, ut abijciamus, sed ut respectâtes identidem reuocemus.

Verùm aliam alia contumelia, tanquam ansa, ansam trahit, studiosam iuventutem, apud nos in omne licentiæ genus effundi, quaritur. hic se vehementissimè iactat, & inflammatus omnia tristissimis verbis oppugnat. Huic tam ferreo Patri, clementior aliquis & ad lenitatē magis factus Mitio querendus, qui vadamonium pro adolescentiâ non deserat; sed urgeri se fabulosis ineptijs non vult. Cuius fortassis apud illum grauior erit fides, Cicero patronus erit aduocandus, qui et a. ti illi, quæ per se præceptis in vitia est, nisi nimium se effundat, non

dat, non nihil conuiuendum putat oportere. Sed neque
istius tam graui testimonio putat conuiuendum esse.
Sanctissime Pater Augustine te patronū, te Iudicem con-
trā tui moderatissimi instituti professum grauiter in-
nos iniuriosum aduoco. Tu cum Carthagine uinā vo-
ce ad eloquentiam informares iuuentutem, quæ paulò
laxior erat, istius mali, vitiose iuuentutis consuetudi-
nem Patronam esse dixisti, quod malum ab alijs intri-
tum solis præceptoribus frequenter venit exedendum.
Errat profectò, si quisquam ea duntaxat enormia pu-
tat peccata, in quæ aut inclementi, aut inuido intuemur
oculo: quantò magis illa grauiora sunt, quæ frequenter
frontis & supercilij ad pietatem compositi, integumen-
to occultantur. Sentimus profectò malo nostro, quam
obstructio ista non sit diuturna, nec ita obducta, quam
quisq; etiam in latebris suis cognoscere non possit. Ipsa
Societas, quid non laboris, quid non tedij molestissimi, in
refrenāda omnibus modis iuuentute suscipit? & quan-
quam præclare sudata illa cedat industria, tamen non
rarò usu venit, ut non minorem illis, unius alicuius Cal-
citronis licentia sollicitudinem afferat, quam verò mo-
destia reliquorum voluptatem. Ex quo præclaram ple-
rumq; præceptorum operam, quæ Ecclesiam aliquando
illustrasset, ante etatem cum vitâ, inter scholasticos me-
rores procumbere sit necesse.

Ad


Ad vos ego Religiosissimi Patres, qui ad Sancti
August. Sanctissimum viuendi modum vitam vestram
direxistis, cum à cæteris virtutibus, tum ab omni mo-
deratione celebratissimi, sermonem meum conuerto. Or-
dinem Vestrum Sanctissimum tanquam Montem Cel-
sissimum, in quo illi benè complacitum esset Deus ad
Sionem, hoc est Ecclesiam per admirabilem in Ecclesia
Virum Augustinum Sanctum collocauit. Ex hoc mon-
te in nos nihil tale expectantes, nunquam de minimo
etiam Vestrum malè meritos, semper cum omnibus o-
ptimè consentientes, lapidibus pluit. Quàm multum
vereor, ne turbo iste omnibus conuicijs fecundus, rursus
à nobis, quos grauitè consauciauit, saxeum imbrem in
vestra capita refundat. Quid enim ille inausum, quid
intentatum, cum in se audaciam confirmauerit relin-
quet? qualis erit in eos cum quibus uiuit, quos nouit,
quos obsistere sibi aut ad suam ambitionem, aut aliquid
priuatum sciet, cum talem se in eos prestitisset, quos nū-
quam, nisi nunc improbè salutasset, cognouisset. Nar-
rat doctissimus Plinius Valeriam dentatam quæ cum
dentibus esset nata, responsum ab Haruspicibus accepis-
se, se fore exitio illi ciuitati, in quam delata esset: an
non hoc oraculum, ab isto nobili conuiciatore, aliquid
molestiarum vobis quietissimis portendat, vos met indi-
cate. S. Augustinus lumen & ornamentum, & muni-

mentum Ecclesie, sua peccata uniuerso mundo, huic
maxime rerum Vniuersitati, ne dum hominibus, sed eti-
am ipsi celo, cum lachrymis, & sue mentis olim amentis
execratione narrat, res etiam à ratione & sensu remo-
tas aduocat, ut cum nihil possint, ipsius crimina dunta-
xat, quibus aliquando Deum posthabuisset, sentiant &
intelligant: iste autem optimus S. Augustini imitator,
aliena quæ accusatorie confinxit peccata, toti mundo o-
diosam loquacitatem ostendit.

Vos nobilissimi Proceres lumina Reipub. Polonæ,
quorum præsidij & consilij salutaribus, literæ nostræ
ad hoc usq. tempus innixæ feliciter egerunt, nunc graui-
ter alterius petulanti audacia consauciata, vestram sem-
per spectatam in se beneficentiam requirunt, & implo-
rant. Nolite permittere, ut ea, quæ sanctitas Sereniss.
Regum tanto tempore confirmauit, nunc inique detra-
ctionis procella peruertat. Vnum in Academia ha-
buimus in Amplissimum Equitum Ordinem aut pro-
merendi, aut referendi beneficij nobis collati locum,
nunc omnia istius petulanti lingua, sedata, horrida, tri-
stia. Quo amplius conferemus nos? quo Musarum
Sacra, in hoc inopinato tumultu, quem iste lingua sua
quasi tuba seditiosa concitauit, recipiemus? Ad Hono-
ris & Virtutis? at nos, & Musas nostras, virtute, Ho-
nore, non magis quàm Aqua & Igne sine quibus non
vivitur,

*viuitur, contumeliosa actione spoliavit. Ad Mineruæ?
verum nomine barbariei infames, quomodo Augustum,
Et venerabile illud sustinebunt numen? hic quoque Ædilis
Mineræ, aris illius nobis interdixit. Libertatis? Verum
ab ista, quam à Serenis: Regibus præclarissimam accepimus
libertatem, ad seruitutem Et oppressionem implacabili
conuiciatoris odio rapiuntur.*

*Ad vos nobilissimi Proceres, unicum hoc Vestrum
in Polonia Palladium Musæ Academicæ referunt, ad
sensus Vestros prudentissimos, omnibus modis vexata,
spoliata, iactata se se abijciunt. Nam si Policletus dice-
bat, molestissimum esse opus eorum, quibus lutum subit
vnguem, quam acerbam, quam tristia erunt Musis no-
stris (quæ cum honoris dignitate ante hoc tempus vique-
runt) negotia, quas ab infimo usque ad supremum Capitis
verticem, ne ulla pars in nobis honesta appareat, lutu-
lenta impuritate infecit conuiciantis maledicentia; quæ
calamitatis acerbitas, nusquam, nisi in vestra beneuo-
lencia conquiescet. Vestram autem in nos benefici-
am, per quam quantumcunque est in Academia dignita-
tis habemus, ipse literæ, ipse docentium voces, ad
omnem posteritatem loquentur.*



[illegible]

Varsanum 1626. 26 Febr.


Audire dixisse R^m Legatum h^o verba: Habebant
scripta pro suo favore sententiam: Si h^o ita sunt
requiro iudicium. Nam animi ducit sedem summam
ad favores inclinari. Christus est Veritas, Via, Lux
Vicarius igitur Christi est Vicarius Veritatis, Veri
atq; lucis. Respectus ad personas quascunq; aut fa
vorem habere fertur displicere. Sciunt autem h^o mu
dum iudicaturum de iudicio aut Rotae aut summi
Pontificis. Si quid diversum fiat, lapides etiam clama
bunt. Vincere nobis ne sanctus quidem Paulus per
suaserit, qui sumus artes omnes sapientias tam probe
quam septuagenarius aliquis sapientia, aut et plus. Re
velabatur aliquando intueri nos Philosophum et
id considerabimus: Eius, Unum, Verum, Bonum converti.
Magno intervallo distant Unum et Vnum. Unum est
Unum. Vnum multa continet. Luxus d^o animum
appetit, Unionem appetit. Vult enim carnem ang
in seipsum hoc est lupi carnem converti. Multa h^o
Unum exemplar per occasionem tradit R^m Legato.
Vale. Curonus 26 Febr. 1626.



SIN e CERE monis
Si quid habes lesu vita ne gram tibi partem
Qui socium fingit latro vaferrim rapit.

Gdy na Gmh
Ja edlt Bll
pa p...
wzgn...
M... V... X...
legi in dca
notu
fiam / avla
m...

Biblioteka Jagiellońska



stdr00000560

Biblioteka Jagiellońska.

